

庶物類纂

蟲屬
自六十五至六十六

容

太政官文庫			
和書門	特別	第一	
	三	二	
	六	二	
函架	第五	番	
冊	四	六	五

內閣文庫			
番號	和	32362	
冊數	465 (372)		
函號	54	1	

百内

共五十六




Kodak Gray Scale


A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak








庶物類纂蟲屬卷之六十五目次

蝦蟇


白蝦蟇

庶物類纂 卷六十五

蟲屬目次




蝦蟇



蟲屬

蝦蟇

一



蝦蟇

越中有道士陸國賓者曉乘舟出見白虹跨水甚近及至其所見蝦蟇如箬笠大白氣從口出即跳入水

虹亦不見雜陽孟熙
霏聖錄

同寮吳味道處之遂昌人嘗言其家人看稻莊所夜吹笛以自娛忽有大面矮人倚石而聽之次夜亦然家人知其為鬼物然未敢發也至三夜乃然炭坐處以鐵筋置炭中取遂吹之其物復來出其不意取筋刺之急趨水旁去詰且蹤跡之見一大蝦蟇死水旁

刺痕在其領下明陸容菽園雜記摘抄

雀糞名白丁香左旋為雄右旋為雌辨而用之蝦蟇

置地上凡東行者雄陽物受生氣也吳郡皇甫廡近峰聞略

古玉器有奇特細巧非人所能雕琢者多傳鬼工所

為予曰非也此皆昆吾刀及蝦蟇肪脂也所刻按本草

云蝦蟇能合玉石陶隱居亦云其肪塗玉則刻之如

蠟但肪不可多得取肥者剉煎膏以塗玉亦軟滑易

琢惜未嘗試耳東吳都印三錄發筆

機謹按華夷花木鳥獸珍玩考同

萬氏方五日取蝦蟇晒乾收治瘡如百草法治效明馮

應京月令廣義

蝦蟇於端午日知人取之必四遠逃遁麝知人欲得

香輒自扶其臍蛤蚧為人所捕輒自斷其尾蚺蛇膽

會經割取者見人則坦腹呈創物類之有知如此不

獨雞之憚為犧也明謝肇淛五雜俎

風俗通云一跳八尺兩跳丈六從春至冬袒裸相逐

無他所掉尾肅肅說者以為蝦蟇非也蓋言夏馬患

蚺掉尾振擊常肅肅也蝦蟇下馬音相似唐人名下

馬陵為蝦蟇陵亦此類也揚升菴先生文集

東坡嶺南詩有云稻涼初吠蛤柳老半書蟲注不知

蛤為何物近覽嶺表錄異云唐林藹為高州太守有

牧童牧牛聞田中有蛤鳴原註嶺南呼蝦蟇為蛤遂捕之蛤跳

入深穴掘之乃蠻酋冢蛤乃無蹤而穴中得銅鼓其

旁多鑄蛙黽之狀疑鳴蛤即鼓精也東坡嶺南詩即

用嶺南事豈淺學者可注耶同上

左傳云國狗之瘕無不噬也杜預注云瘕狂犬也今

云獬犬宋書云張收為獬犬所傷食蝦蟇臙而愈又

推碎杏仁納傷處即愈明華亭陳繼儒群碎錄

蝦蟇百粵以為上味疥者皮最佳云不可脫去此錦

襖子明陳繼儒書蕉

機謹按日本紀中載吉野山中之國櫟翁嚙山菓

食蝦蟇事昔時本邦遐鄉之窮民亦常食之歟

俗說蝦蟇懷土雖取置遠郊一夕復還其所明陳繼儒珍珠

舩

墨子曰禽子問曰多言有益乎曰蝦蟇日夜鳴口乾

而人不聽之同上

俗云蝦蟇一跳八尺再跳丈六從春至夏裸袒相逐無地取作掉尾蕭蕭或云夏馬上同

土人為余言彼地有山房三茂才肄業其中坎地為

池木槎浮焉有兩蝦蟇相繼跳登其上須臾成翅而

飛不解所謂拾遺記載白蛙兩翅來太井上僊者食

之王子晉時白蛙化為雙鳩入雲意蝦蟇必久年故

能成翅因知子年所載不妄耳明陳正學讀書解

淮南子曰老蝦蟇化為鶉明彭大翼灌園集筆區

埤雅俗說蝦蟇性懷土雖取以置遠郊一夕復還其

所洪駒父詩蝦蟇何為者非磊盜于背人言懷土蟲

棄去俄復在同上

雜俎蝦蟇無腸又曰鶴影抱蝦蟇聲抱今里俗聞其

春鳴謂之聒子聒子即所謂聲抱也又曰蝦蟇生子


後腹空無物故曰無腸本草會編蝦蟇曳腸于水際

草上纏激如索日見黑點漸深至春水時鳴以聒子

同上

洪駒父詩動物類含血蝦蟇獨無之雙目但瞳也一

腹亦蟠其蘓東坡詩悍目知誰瞋蟠腹空自脹慎勿



困蜈蚣、饑蛇不汝放。又世言蝦蟇、蜈蚣、蛇三物相值，皆不動，彼此畏食也。上同

尚書故實：百越人以蝦蟇為上味，皮最佳。故越人云：不可脫衣，此乃錦襖子。上同

某朝皇帝尚食將供蝦蟇，充御膳。上忽夢綠衣人數百乞貸命，後方悟其為蝦蟇。因禁採捕，或云蝦蟇能食蝗，故禁採捕。事文類聚云：此事不記何書。上同

神仙傳：益州北平山有蝦蟇，謂之肉芝。王喬食之成仙。上同

仙上同

韓昌黎答柳柳州食蝦蟇詩：蝦蟇水中居，水特變形貌。強號為蛙蛤，干實無所校。雖然兩股長，其奈背脊跳。跳跳擲雖云，高意不離泥。淖鳴聲相和，呼無理祗取。關周公所不堪，灑灰垂典教。或曰：此詩乃蛙，非蝦蟇也。上同

淮南謂之公蚊。明陳耀文天中記

陸機漏刻賦云：伏陰蟲以承波，吞恒流其如揖。孫綽銘靈虬吐注，陰蟲承瀉。陸倕銘靈虬承注，陰蟲吐噏。翰曰：陰蟲蝦蟇也。上同

蝦蟇背有黑點身小能跳接百蟲無腸善鳴春時以聲抱俗聞其春鳴謂之聒子是也與蟾蜍不類明范

便覽

蝦蟇懷土雖取以置遠郊一夕復還其所蝦蟇曳腸於水際草上纏繳如索日見黑點漸深至春水時鳴

以聒之則蚪斗皆出謂聒子全雅○明劉仲達鴻書

張萱曰螿又音驚背有黑點身小能跳接百蟲食之

作呬呬聲者蝦蟇也詳下釋魚明張萱彙雅前集

蝦蟇池在衛城南一百二十里池多蝦蟇方春水生

輒跳躑出岸間後渠先爪前趾變羽隨衆禽飛去土

人常得於雀網中施州衛軍民指揮使司○大明一統志

史記日月為刑而佐曰見食于蝦蟇

衡波傳曰蝦蟇無腸龍蛇類也

酉陽雜俎曰蝦蟇聲抱

續博物志曰蝦蟇之肪塗玉即軟肪不可得取肥者

煎膏亦可

唐尉遲樞南楚新聞曰百粵人好食蝦蟇凡有筵會斯為上味先於釜中置水次下小竿煎之候湯沸即

投蝦蟇乃抱竿而熟謂之抱竿羹又曰疥皮者最佳投沸湯即躍出其皮自脫乃可脩饌時有一隻大以爲不可云切不得脫去錦襖子其味絕珍聞者莫不大笑


機謹按華夷花木鳥獸珍玩考竿字俱作芋抱作捧

倦遊雜錄曰嶺南人嘗食蝦蟇易其名曰蚶蛤宋周遵道豹隱紀談揚誠齋詩云天上歸來有六更蓋內樓五更絕柳鼓交作謂之蟇更此即六更也

朝野僉載周張元一腹麤而脚短項縮而眼突吉頊目爲逆流蝦蟇

瀟湘錄曰唐高宗常患頭風令官人修藥餌初穿地置鑪忽有一蝦蟇躍出色如黃金背有朱書武字帝命放於苑池官人別穿地得蝦蟇如初帝深以爲不祥命殺之其夕官人暴卒武后竟革命

酉陽雜俎曰李揆乾元中爲禮部侍郎嘗一日坐于堂之前軒忽聞堂中動盪喧逐執燭入視見一蝦蟇大如二斗釜即命人以大銅盆覆之容曰蝦蟇月中



之物亦天使也。今天使來公堂，豈非上帝以榮命付公乎？黎明啟視之，已無見矣。後數日，果拜中書侍郎平章事。

機謹按劉氏鴻書二斗釜作三斗釜。

文子曰：會子問曰：多言有益乎？墨子曰：蝦蟆蛙黾，日夜恒鳴，口乾舌擗，而人不聽。今觀晨鷄待旦而鳴，天下俱動，多言何益？惟言之時也。

蝦蟆能食蝗，故禁捕。

酉陽雜俎曰：先天二年六月，京師朝堂磚下有火，大蛇

出長丈餘，有大蝦蟇如盤而目赤如火，相與鬪，俄而入于大樹。蝦蟇入于草，蛇蝦蟇皆陰類，朝堂出非所也。

機謹按文獻通考非所作，非其所。

淮南子曰：蝦蟇為鶉，水蠱為螻，皆生非其類。惟聖人知其化，螻音聰，亡。

陸氏曰：燒蝦蟇可以制蚤。

機謹按山堂肆考：蚤下有蚤字。

俗說曰：蝦蟇懷土，雖取置遠郊，一夕復還其所。字說

云雖或遐之常慕而反以上淵鑑類函

湧幢小品云世宗中正月望前三日有蟻數百萬大

小相負自高郵蛤蚶壩過人皆礙足不能行入興化

界散漫無迹負行蟻爪入膚理手劈之不能脫識者

以為水微清來元成博學彙書

徐雲林云五月五日蝦蟇必伏水草不鳴同上

閩書云泰寧縣青簾山高廣十餘里宛如簾幙是有

風蛤秋值薰風滿布地下可食氣化生滅倏焉而盡

酉陽雜俎言仙藥有白水靈蛤豈此類與同上

機謹按風蛤蟾蜍也宋張世南游官紀灸蟾說云

辛巳侍親守酉陽一日遊郡圃池岸有相負者數

十對沅陵胡宰留括蒼人聞之亟令人捉去謂其

鄉里以為珍品名曰風蛤

丹方治水腫用蝦蟇七隻去頭皮足白酒漂淨同獨

蒜四五十枚入猪肝中白酒煮爛去蝦蟇食猪肝食

後溲便頻腫即消清張路王醫通

蝦蟇似蟾蜍背有黑點酉陽雜俎曰蝦蟇大皮汀州府誌

東魏元象元年溜州大水蝦蟇鳴於樹上溜州縣志

康熙十四年孝感治西汪家池有蝦蟇成隊數逾億萬過晝夜不止悉入治東東池德安府志

成化十四年夏五月縣東北鄉蝦蟇鳴于樹人異之東鹿縣志

瑞安彭廷堅元時為崇安尹廉明寬恕斷獄如神一日有蝦蟇至廳上向廷堅跳伏廷堅曰此必有冤獄

也祝之遣人踵其後至一處復跳伏如前遂掘地得屍鞠之乃妻殺夫者正其罪温州府志

婁塘人王全家饒干貲為人偉軀大腹飲啖兼數人

行則蹢躅不能疾趨每入浴則令人以物覆己妻子婢僕皆不得在旁且戒勿開一日入浴久無水聲家人怪之揭視但見蝦蟇大如斗伏其中驚而復覆之已而出恍惚若有所失是夕死嘉定縣志孫著性醇謹事親能順適其意父鸞嗜飲著遍言於所常飲酒家父來茅恣其飲不取酒錢積數日則著增其饑與之或先置錢於酒家令酒家胡邀其父嘗病中滿醫云須百蝦蟇納豬肚中食之可愈時冬月覓之野中遂得百蝦蟇里人大異之以為孝感著曰

傷百蝦墓生以生吾父吾不忍也乃盡放之而自以
股肉納豚肚中父食之尋愈縣令李瓚立掉楔旌其
門寶應
縣志

萬曆丙午夏五月州守孫崇先捕獲巨盜審其贓伏
不明者於潁河北杖警以釋聚觀者百千人偶一蝦
墓從衆中突至案前長鳴數聲旋跳往賊李文信身
上口吞者三守疑其先寃即訊李文信李文信供同
李應李石倉與田子香爭姦寡婦張氏而謀殺之席
捲繩網其屍沉之三里灣河守命幕謝尚扑撈半日

無獲適岸上有一蝦墓又鳴謝幕即其處掘之得一
屍繩網席捲而李文信等各供真是田子香身屍當
夜同埋於此棄之河者誑也輸服耳罪穎州志

嘉靖辛丑六月二十一日州前大壁之北兩餘地中
偶露一壘內有蝦墓脊有白線地方馬晉因以獻諸
州守宋淮命瘞之西城隅越三日代巡何公至宋往
迎之至博平暴卒識者以爲發此不祥因致祭返藏
于故地及丙午歲同前房宗道修甬道復掘出月餘
輒以事去官高唐州志

嘉靖三十五年丙辰築城鑿隍之既日蝦蟇蝌蚪累
為城狀首迎城自西北而南幾四里休寧縣志

本草云種類多有黑虎身小黑嘴脚小班有蚰黃前

脚大後腿小班色有尾有黃螭遍身黃腹下有臍帶

有螻蛄腰細口大皮蒼黑色夜鳴以上諸種多在陂

澤間善鳴善跳唯蟾蜍居濕地遲鈍不鳴今俗皆呼

為蝦蟇盛京通志

蝦蟇蟾蜍自是兩種陳藏器辨之俗名

子名

科斗亦名活師活東俗呼田雞丹徒縣志

蟆種不一酉陽雜俎云蝦蟇聲抱今里俗聞其春鳴

謂之聒子其子名蝌蚪懷寧縣志

黽一名蝦蟇大腹一脊青一種黑色俗謂之青蛤又

一種名水雞又生山澗中者名石鱗別名谷蠖其味


甚美福州府志

蝦蟇蕃于魚池青草中其鳴最活人昔人以為羊部

鼓吹即此俗呼曰蛙畿輔通志

蝦蟇身黃腹白生陂澤間跳接百蟲食之又一種色

黑皮多疣磊蛇行舒遲亦名蟾蜍亦名蟾酥土人取



啖小兒謂能殺疳二種皆有毒能制蜈蚣而最畏蛇
取蛇暨蜈蚣蝦蟆同置一器皆不動而死蓋其氣互
相制也杭州府志

蟆音麻其類不一子初生謂之蝌蚪月大先生前二

足月小先生後二足俗作蝦蟆安慶府志

蝦蟆即螿蟞大曰田父置遠郊一夕返其所洪駒父

有詩五日伏水草不鳴義烏縣志

蝦蟇似水雞皆有黑點酉陽雜俎蝦蟇無腸陸居者

烏蟾蛛爾雅謂之蟾蝓腹大皮多非磊張衡靈憲論

羿妻竊西王母不死之藥奔月宮是謂蟾蜍凡附骨
懷瘡發背腫毒按方用之俱效生疔瘡剖其腹取肝
塗之立愈將腹皮縫蜜放去不死眉間白汁曰蟾酥

諸羅縣志

蝦蟇似蟾蜍背有黑點酉陽雜俎曰蝦蟇無腸陶隱

居曰腹大皮上多非磊者也按張暘弟收烏獬犬所

傷食蝦蟇可療收難之暘含笑先嘗收乃食創亦旋

愈漳州府志

蝦蟇王荊公字說蝦蟇懷土取置遠處一夕復還故

名封川
縣志

黽名蝦蟇爾雅曰在水者為黽腹大脊青俗名土鴨其聲甚壯色黑者呼為蛤子亦名為水鷄三山志

蝦蟇身廣腹白生陂澤間能跳接百蟲食之又一種色黑頭腹大脚細皮多非磊跳行舒遲者蟬蛛土人取啖小兒謂能殺疳二種皆有毒能制蜈蚣而最畏蛇取蛇暨蜈蚣蝦蟇同置一器皆不動而死蓋其氣互相制也仁和縣志

機謹按身廣當作身黃

蝦蟇形似蛙而背有黑點蓋蟾蜍之類也其子謂之

蚪蚪會稽縣志

蝦蟇一名蝮周禮蝮氏焚牡鞠以風被之則水蟲無聲吾招搖地內蛙不鳴不賴焚鞠何耶其大者曰蟾蜍額有蟾酥青者曰青蛙又名水雞最小者曰蚪斗

常山縣志

蝦蟇似蟾蜍背有黑點武平縣志


蝮一名蝦蟇立夏後聲不絕故周禮蝮氏焚牡鞠以其風被之則水蟲無聲其蝦蟇自有非磊腹大行遲

者謂之蟾蜍其初生為蝌蚪撫州府志

機謹按近一官家之別莊園池中見小蝦蟆將變
鯊魚日漸身細長後脚稍減前脚縮小將成雙鬣
眼尚開闔如蝦蟆觸物跳躍離水則以鬣步如蝦
蟆步蓋物類之化生不當測識也

白蝦蟆

蘇州府志卷之五



白蝦墓

偽蜀將季延秋門內嚴真觀前蚕市有村夫鬻一白
蝦墓其質甚大兩目如丹聚視者皆云肉芝也有醫
工王姓失其名以一縵市之歸所止慮其走匿因以
一大臼合於地至暝石臼透明如燭籠王駭愕遂齋
沐選日負鐮挈蟾辭家往青城山杳絕音耗洎明年
聖朝代蜀竟不知王之存亡也

學射山舊名石斛山昔張百子三月三日得道上昇
今山上有至真觀即其遺跡也每歲至是日傾城士

蘇州府志卷之五

蟲屬

白蝦墓

二

庶四邑居民咸詣仙觀祈乞田蠶時當春煦花木甚盛州主與郡寮將妓樂出城至其地車馬人物闐噓有者宿鮮于熙者與朋友數人於萬歲池縱飲因掬池水見蚘傍州中有一小白蝦蟇遂取之即席有姓劉失其名堅請看之鮮于固執不與遂啗鮮于手取將吞之鮮于戲之曰閣下因吞此白蟾苟成得道也祇成強盜爾吞訖忙惶飲水云蝦蟇在某心胸間無所出處昏悶至家旬餘醫治方愈休復曾覽抱朴子內篇云肉芝者謂萬歲蟾蜍也頭上有角目赤頰下

有丹紋體重而跳捷以五月五日午時取之陰乾以左足畫地成泉帶之辟兵若敵人射已弓弩皆反自傷焉今人以白蝦蟇爲肉芝生吞熟啖者愚之甚也設使白蝦蟇是肉芝市井之民但知錐刀之利嗜欲無厭藏腑淳穢苟致其中則淳穢之氣與靈物相攻水火交戰寧有全人乎太平興國末休復與處士胡本立進士史載許僧隱巒往雙流縣保國觀者古栢樹道逢友人袁德隆從者於檐懸一蝦蟇大如扇許人皆駭視之後月餘再見袁因問向者蝦蟇所在袁

曰是荷擔者獲于田隧中將歸殺而食之其夜無疾
大叫數聲而卒同上

有村夫鬻白蝦蟆其大兩目如丹皆云肉芝也有醫

工買歸慮其走逸以大石臼合於地至曉石臼透明

如燭籠李日華時
物典彙

武陽北平山有白蝦蟆謂之肉芝王喬食以仙去武

陽山祠有三王喬一太子晉一葉令王喬一食肉芝

王喬明陳繼儒
香案牘

王喬蜀人北平山有白蝦蟆謂之肉芝食之得道今

武陽有喬仙祠保定府志

庶物類纂

庶物類纂蟲屬卷之六十六目次

蠶

庶物類纂

蟲屬目次

本草綱目卷之六十一

龜

一名土鴨爾雅註 一名長股名醫別錄 一名圭虫雲仙
 雜記 一名水鷄候錄 一名田鷄本草綱目 一名青鷄
 同上 一名坐奠同上 一名蛤虞德集 一名蝮周禮註 一名
 石鴨建昌縣志 一名青蛙漳浦縣志 一名烟周禮註 一名
 俗名憂划思 又名倭ラ 霍ホ 憂カ 歇ヘ 而ル 加カ 賀ガ 又名各ガ
 紫脫ト 憂カ 歇ヘ 而ル 又名十シ 罵マ 憂カ 歇ヘ 而ル 又名罵マ
 搭ダ 拉ラ 憂カ 歇ヘ 而ル 又名結キ 涯ヤ 而ル 播ハ 磨マ

本草綱目卷之六十一

蟲屬 龜

本草綱目卷之六

鼃

在水者鼃爾雅耿鼃也似青蛙大腹一名土鴨晉郭璞
 此有多種鼃醜一名蟾諸郭云似蝦蟆居陸地淮南
 謂之去蚊然蟾諸非蝦蟆俱相似耳案本草蝦蟆陶
 註云此是腹大皮上多疖磊者也蟾諸亦類此抱朴
 子云蟾諸壽三千歲者頭上有角頷下有丹書八字
 玄中記云蟾諸生角者食之壽千歲是也其居水者
 名鼃一名耿鼃一名土鴨狀似青蛙而腹大為異陶
 註本草云大而青脊者倍名土鴨其鳴甚壯即此鼃

本草綱目卷之六

蟲屬 鼃

也陶又云一種小形善鳴喚名鼃者卽郭云青蛙者也
宋邢昺爾雅疏
○十三經註疏

蛤矐理如常法蛤卽蛙也周書腐草為蛙陶註本草
青脊者曰土鴨黑者南人呼為蛤子南史下彬為螺
蓋賦云紆青抱紫名為蛤魚以諷令僕漢書言鄼杜
之間水多蛙魚人得不飢又宋書張暢弟為獬犬所
傷醫云食蝦蟇鱠可愈而弟有難色暢先食而弟方
食果能愈疾卽知前古之人食蛙久矣又衝波傳蝦
蟇無腸龍蛇屬也抱朴子云萬歲者頷下丹書八字

南史丘傑列傳又云蝦蟇有毒夢中得三九藥後服
之下科斗子數升博物志所謂東南之食水產有鼃
蛤螺蚌之為殊味不覺其腥臊今按蛙唯性熱甚補
人人有折其足於瓶中以水養之不三五日其損如
故亦有以蘇煎食者是也
唐段公路北戶錄

桂林風俗日日食蛙有來中朝為御史者朝士戲之
曰汝之居非鳥臺乃蛙臺也御史荅曰此非蛙名圭
虫而已然較圭虫之奉養豈不勝於黑面卽哉黑面
卽謂猪也朝士大赧而退
永平舊纂○唐馮贄雲仙雜記

無物類集 卷十六 蟲屬 蛙 三

後漢書曰馬援為隗囂使公孫述歸謂囂曰子陽井底蛙耳言述知識褻如坎而妄自尊大不如專意

東方太平御覽

晉書曰有蛙鳴于華林園惠帝問左右曰為官乎為私乎侍中賈胤對曰在官地為官在私地為私同上

韓子曰越王勾踐欲其民輕死出見閻鼃乃下軾從者曰王何敬也曰以其勇氣故也其後國人輕命死

戰同上

國語曰趙襄子以尹鐸有寬政於晉陽其民必和乃

守晉陽後晉師圍而灌之沈竈生鼃民無叛意同上

物理論曰大虛元年談尚其華藻此無異於春蛙秋

蟬聒耳而已同上

成公綏陽霖賦曰百川泛濫潢潦流竈中生鼃庭運

舟同上

百越人好食蝦蟇凡有筵會斯為上味先于釜中置水次下小羊烹之候湯沸如魚眼即下其蛙乃一一捧羊而熟如此呼為抱羊羹又或先于湯內安笋筍後投蛙及進于筵上皆執笋筍瞪目張口而座客有

戲之曰賣燈心者又云介皮者最佳擲于沸湯即躍出其皮自脫矣皮既脫乃可以修饌時有一叟聞茲語大以為不可云切不得除此錦襖子其味絕珍聞之者莫不大笑出南楚新聞
○太平廣記
水鷄蛙也水族中厥味可薦者鷄宋趙德麟
○侯鯖錄
馬裕齊知處州禁民捕蛙有一村民犯禁乃將冬瓜切作蓋剗空其腹實蛙于中黎明持入城為門卒所捕械至于庭公心恠之問曰汝何時捕此蛙答曰夜半有知者否曰唯妻知公追其妻詰之乃妻與人通

俾妻教夫如此又先往語門卒以收捕意欲陷夫於罪而據其妻也公窮究其罪遂寘妻并姦夫於法宋趙

蔡行營
雜錄

浙人喜食蛙沉文通在錢塘日切禁之自是池沼之蛙遂不復生文通去州人食蛙如故而蛙亦盛人因謂天生是物將以資人食也食蛙益甚宋彭乘墨
客揮犀
僕任夏縣令一日會客於蓮塘上時苦蛙聲坐中有州官乃長安人以微言相戲妄謂僕南人食此也僕答曰此是長安故事客曰未聞也僕取東方朔傳示

之客始伏武帝欲籍阿城以南盤屋以東宜春以西
為上林苑朔諫以謂此地土宜薑芋水多蠃魚貧者
得以人給家足無饑寒之憂師古曰蠃卽蛙字似蝦
蟆而小長脚蓋人亦取食之宋廣陵馬永卿
懶真子
閩浙人食蛙湖湘人食蛤蚧大蛙也廣南人食蛇市
中鬻蛇羹中州人每笑東南人食蛙有宗子任浙官
取蛙兩股脯之給其族人為鶉腊既食然後告之由
是東南誇談少息或云蛙變為黃鶻宋朱或
可談
余頃官海上同僚多吳人盛夸鼃味之美坐有一聞

右士人大噓吳人不能平余從旁為解紛漢東方朔
言漢都涇渭之南所謂天下陸海之地土宜姜芋汝
水多鼃魚顏師古注鼃似蝦蟆而小長脚人亦取食
之漢唐皆都雍東方朔言水多鼃魚是漢都人食鼃
也顏師古言人亦取食之是唐都人食蠃也漢都不
惟食之宗廟獻亦用鼃霍光傳霍山曰丞相減宗廟
羔兔蠃可以此罪也非宗廟薦獻而何吳人大喜曰
今日蝦蟆價增三倍矣東臯
雜錄
韓退之答柳柳州食蝦蟆詩云余初不下喉近亦能

稍稍嘗懼染蠱夷平生性不樂漢武帝欲除上林苑
東方朔進諫曰土宜薑芋水多蠅魚貧者得以人給
家足無飢寒之憂顏師古注云蠅魚即蛙俗蝦蟇而
小長脚蓋人亦取食之宋章淵稿
簡贅筆
霍山曰丞相擅減宗廟羔兔蠅師古曰羔兔蠅所以
供祭也蠅古者上以祭宗廟下以給食貨而退之云
爾何邪白樂天和張十六蝦蟇詩云嘉魚祭宗廟靈
龜貢邦家應龍為致雨潤我百穀并蠶蠶水族中無
用者蝦蟇亦讀漢書不熟也同上

周禮蝸氏注云蝸今御所食鼃也漢書霍光傳亦有
丞相擅減宗廟羔兔鼃此何等物而漢人以供玉食
及宗廟之薦耶古今事不同如此宋陸游老
學庵筆記
霍山曰丞相擅減宗廟羔兔鼃顧泣羔兔鼃以供祭
也周官蝸氏鄭康成注蝸今御所食蛙也宋書張暢
弟收有大復醫云當食蝦蟇而收難之暢為先食前
世北人食蛙南人不食也宋陳師道
後山談叢
今蛙不鳴三五日以野菊花為末順風撒之物類相
感志
鄭遨隱居有高士問何以閱目對曰不注目於婆娑

兒郎側耳於鼓吹長謂玩甌而聽蛙也宋陶穀清異錄

蛙蝦蟇也數種有黑虎有响音旬黃有黃螭有螭有螭有

蟾蜍有山蛤其形各別蝦蟇皮上腹下有黑斑點脚

短能跳接百蟲即不鳴叫黑虎身小黑鬚脚小斑响

黃斑色前脚大後腿小有尾子一條黃螭遍身黃色

腹下有臍帶長五寸分螭即夜鳴腰細口大皮蒼

鰲色俗名田雞格物總論合璧事類

漢武帝元鼎五年秋蛙與蝦蟇羣鬪時四將軍衆十

萬征南越閩九郡蛙也似蝦蟇而長脚其色青○宋馬瑞臨文獻通考

機謹按明陳耀文天中記九郡之下有漢武紀注

四字

鼃好鳴其鳴自呼南人呼為田雞又曰水鷄謂肉味

如鷄也止則坐亦曰坐魚或作蛙東方朔傳云長安

水多蛙魚得以家給人足列子謂蛙能化鴛即此甘

寒無毒主小兒赤遊肌瘡去勞劣解熱毒利水腫饑

食調疝瘦補虛損產婦尤宜其青蛙土暢形稱雖異

功用則一四月食之最美五月漸老可採入藥考工

記云以脰鳴者鼃黽之屬也農人占其聲以卜年故

章孝標詩云田家無五行水旱卜蛙聲則蛙靈可以
占驗非獨充口而已宋長石飲食書

陶隱居云凡蜂蟻鼃蟬其類最多大而青脊者俗名
土鳴其鳴甚壯又一種黑色南人名為蛤子食之至
美又一種小形善鳴喚名鼃子此則是也臣禹錫等

謹按蜀本注云蝦蟆屬也居陸地青脊善鳴聲作鼃
者是嘉祐補註本草

鼃本經不載所出州土云生水中今處處有之似蝦
蟆而背青綠色俗謂之青蛙亦有背作黃文者人謂

之金線鼃陶隱居云蜂蟻鼃蟬其類最多大腹而脊
青者信名土鴨其鳴甚壯即爾雅所謂在水曰鼃者
是也黑色者南人呼為蛤子食之至美即今所謂之
蛤亦名水雞是也閩蜀浙東人以為珍饈彼人云食
之補虛損尤宜產婦即此也小形善鳴喚者名鼃子
即藥中所用鼃是也其餘蟬蝮長眈蠟子之類藥
中所須不復悉載也本草圖經
鼃其色青腹細嘴尖後脚長故善躍大其聲則曰蛙
小其聲則曰蛤月令所謂雀入大水化為蛤者也唐

韓退之詩一夜青蛙啼到曉者是以食之性平解勞

熱 宋寂宗爽
本草衍義

鼃好鳴其聲自呼南人食之呼為田雞云肉味如雞也又曰坐魚其性好坐也按爾雅鼃俱列魚類而東方朔傳云長安水多蛙魚得以家給人足則古昔關中已常食之如魚不獨南人也鼃亦作蛙字田雞水雞土鴨形稱雖異功用則一也四月食之最美五月漸老可採入藥考工記云以脰鳴者鼃黽之屬農人占其聲之早晚大小以卜豐歉故唐人章孝標詩

云田家無五行水旱卜蛙聲蛙亦能化為鴛見列子
明李東璧
本草綱目

江東信州故宋時取土築城為濠百畝渺然有江湖之意遂名南池中有地可架屋數十楹舊為州民某氏居之有年矣歸附後滅微來監是郡遂有其地春夏之交每苦群蛙聒人然無術以去之三十八代天師廣微子朝京還用以此告廣微以瓦片朱書篆使人投於池中曰群蛙自此毋作聲於是寂然至今絕無蛙鳴亦可異也
東園
友聞

盧伯玉文璧至正初尹荆山日忽有一巨鼃登廳前兩目瞠視類有所訴者令卒尾之行去縣六七里有廢井遂跳入不出既得報往集里社汲井獲死屍乃兩日前二人同出為高一謀其財而殺之掩捕究問抵罪死者之家屬云其在生不食鼃見即買放豈一念之善為造物者固已鑒之鼃能雪冤良有以也元南

村陶宗儀輟畊錄

宋李城信州掘土處為濠百畝許在郡南曰南池池之旁可居舊為里人屋婦附後達魯花赤滅微據有

其地每春夏之交群蠅聒耳寢食不安會三十八代

天師張廣微與材朝京回因以告天師朱書符篆新

瓦上使人投池中戒之曰汝蠅母再喧自是至今寂

然同上

無錫一人遍身膚肉有紅虫如線長二三寸時或遊

動瞭瞭可見痒不可勝醫莫能治一日偶思食水蛙

蛙至虫遂不見乃市蛙為脯且晚食之月餘其虫自

消五湖湯聞○明堂南江名醫類案

蛙鳴以夜事物紀原夜行擊拚代更籌日蝦蟆更明馮

應京月
今應義

蛙蟆二物此說甚明本草分條載之是矣御覽孔帖
爾雅翼通志畧混而一之俱誤鄭樵又云凡蝦蟆之
類俱不交合惟雌雄相對吐沫漸成魚子遂變成科
斗夫此物水中相負孰不見之而乃云云豈自序所
謂廣覽動植漢唐諸儒所不得聞者耶明陳耀文
子天中記
蛙性熱甚補人人有折其足于瓶中以水養之不三
五日其損如故亦有以蘇剪食者北戶錄注
同上
檢謹按蘇剪當作酥煎

至道二年夏秋間京師鬻鶉者積於市門皆以太車
載而入鶉繞直二丈是時雨水絕無蛙聲人有得於
水次者半為鶉半為蛙列子云蛙變為鶉注云事見
列子爭不謬矣談苑
同上

唐志神龍中渭水有蛙大如鼎里人聚觀數月而失
明彭大翼
山堂肆考

湖州府安吉縣常樂寺有靜蛙池昔肇法師厭蛙聲
聒耳驅而去至今池中不生科斗長沙府善化縣嶽
麓書院前有池夏無蛙聲相傳宋張栻讀書於此厭

蛙聲禁之乃息南陽府新野東北有彈子池世傳漢光武彈蛙於此至今有蛙不鳴上同

無為州西北有墨池宋米芾為守時所穿初厭池中蛙聲取瓦書字投之自是無蛙鳴上同

張文潛賦序余寓山陽學舍夏六兩屋四隅成塘聚蛙千數鳴聲不絕夜不能寢客有獻予以殺蛙之術

曰投汝藥一丸蛙無類矣童子將用之余曰不可復為賦以示之上同

蛙一作鼃蝦蟆之屬也一名蛤魚一名螻蝻一名長

股一名田雞一名水雞一名鼃一名土鴨青者名青

蛙似蝦蟆而小背有黃路者名金線蛙又有蒼色者

有斑色者有黑色者名蛤子即南風蛤也寇宗奭曰

蛙色青腹細嘴尖後脚長故善跳大其聲則曰蛙小

其聲則曰蛤月令所謂雀入大水為蛤是也蝌蚪蝦

蟆子也一名活即師一名活東形圓有尾雷震則尾

脫而脚生又按本草圖經及爾雅埤雅諸書多分蝦

蟆蟾蜍為二種或曰其實一物以其老幼殊質春夏

異時遂分為二也上同

異時遂分為二也上同

艾子使燕。燕王曰：吾小國也，日為強秦所侵，如之何？則可？艾子曰：亦有分也。王曰：其有說乎？艾子曰：昔龍王逢一蛙于海瀕，蛙問曰：王之居處如何？王曰：珠宮貝闕，翬飛璇題。王復問：汝之居處如何？蛙曰：綠苔碧草，清泉白石。王復問曰：王之喜怒如何？王曰：喜則時降膏澤，使五穀豐稔；怒則先之以暴風，繼之以飛電，使千里之內寸草不留。王問蛙曰：汝之喜怒如何？曰：吾喜則清風明月，一部鼓吹；怒則先之以努眼，次之以腹脹，然至脹過而休。于是燕王有慙色。同上

黃山谷戲答史應之詩：歲晚亦無雜可割，庖蛙煎鱖薦香醪以應之。常授館於人為童，子師故云前輩有詩曰：來朝為送先生飯，一夜沿溪捉鱖魚。同上范丹家負釜中生蛙。同上中州記載：惠帝聞蛙鳴，問之侍臣賈胤，對曰：在官為官，蛙在私為私。蛙帝曰：若是官蛙，可給廩。比北史所載為詳。蛙給廩已自異矣。文中子作元經，又曰：帝問蛙鳴，不可笑也。然元經非出文中子，蓋阮逸假作耳。

明揚升
菴文集

青蛙杭名田雞，衢名白蛤，惟紹興惰民釣而食之，北人笑焉。如廣人之食蛇也。杭之捕蛙，不以釣而藏燈瓦屋，提入田澤，蛙赴若飛，蛾然日可得數萬頭。先折其股，納於竹籠，賣時截項，剝皮，割腸，斷趾，刑慘於凌遲。皮名錦襖子，脫下襖子形若嬰兒，而截時目攝人，剝時足彈人入釜，尚能游泳，其難死又如此。胡黃門以狀聞宮中，贖放不登御膳，而朝士詆胡為蝦蟆，給事其人卒貶炎荒，幾傷蠱毒，似亦青蛙之報也。周禮有蛙醢，而又設官以禁其鳴。蛙服其禁，靈於螺蚌，至

作字象蚪，蚪而審音比鼓吹，將人文之祖大樂之師乎。予癸巳築室湖濱，環沼而居，蛙晝夜聒耳，禁以麻灰，其法不驗。因默禱曰：爾於戲術案上學塾師訓蒙，又於玄陰池裏幻梵僧作唄，乃攬我誦經讀書何也。越三日而四圍百步寂然無聲者二十五年。一日贖得數千頭，放之牆內曲池，竟不聞聲，亦不見影。與李揆巨，缶覆蛙啟之空，缶事相類矣。慈向等書放蛙捕蛙之報，歷歷可覩。近日有一二事得之，最真慶春門捕蛙人王立病呻吟如吠，蛙捕者提瓦屋燈奔其舍。

知而駭去聲絕乃死楚僧輝天者夢四百人求救內
四人已不可救矣偶出城見蛙籠投銀二錢贖焉競
曰蛙股已折奈何輝曰試傾籠數之正得四百而四
蛙已死卽放菜豎橋官河唐人謂蝦蟇月中之蟲一
名天使余錢塘志所載月路多蟾信非虛語食之自
遠桂闕不食應步蟾宮枕人日殺天使數萬寧無惡
報乎當攝怒蛙時復憂產蛙於竈方接筆勸毋食蛙
蛙忽鳴往日不鳴之處三四聲而止覓之了不可得
豈天使命我耶聊畢其說以答天使以奉行天王之

身教

勸人弗食田雜說
○明虞德園集

漢東方朔諫武帝除上林苑書南山天下之阻也其
地從汧隴以東商頌以西厥壤肥饒土宜薑芋水多
蠶魚注蠶卽蛙字似蝦蟇人亦取食之則北人之食
蛙古矣後山談叢云漢書霍山曰丞相擅減宗廟羔
芻蠶顏注羔芻蠶以供祭也周官蠲氏酈康成注蠲
今御所食蛙也宋書張暢弟收有大腹疾醫云當食
蝦蟇而收甚難之暢為先食前世北人食蛙南人不
食也然予按昌黎集中初有南食詩貽元十八云蛤

卽是蝦蟇同實浪異名其餘數十種莫不可嘆驚又
答柳柳州食蝦蟇詩云余初不下喉近亦能稍稍常
恐染蛮夷失平生好樂而君復何為甘食北豢豹獵
較務從俗全身始為孝公與柳柳州皆北人南謫而
難食蛙安見前世北人食之南人未嘗食乎又朱或
可談云閩浙人食蛙湖湘人食蛤蚧大蛙也廣南人
食蛇市中鬻蛇羹中州人每笑東南人食蛙有宗子
任浙官取蛙兩股脯之給其族人以為鶻腊既食然
後告之由是東南謗談殆息又是南人食蛙北人初

不食也

明陳繼儒
古今奇聞

鼃音哇似蝦蟆而長跣目如怒越王揖怒蛙而武
士歸之是也以其鳴聲哇淫故又曰蛙明范貞一
典籍便覽
在水者黽音泯爾雅耿黽也似青蛙大腹一名土鴨
上同

荆軻之燕太子東宮臨池而觀軻拾瓦投鼃太子令
人奉盤金軻用抵畫復進軻曰非為太子愛金但臂
痛耳誠齋禱記○明
劉仲達鴻書

孫鳳有一琴名吐綏彈之不甚佳獨有人唱曲則琴

弦自相屬和因改名曰白鳴但琴皆有一孔若蛙者
一日有一道人乞食因見曰此中有蛙不除之則皆
速朽袖中出一小竹筒倒黑藥少許孔側則有一綠
色虫出背上隱隱有金線文道人納虫竹筒中竟去
自是彈唱琴絃不復鳴矣鳳怪之有博物君子說及
此事嘆曰此異寶也謂之鞠通有耳聾人置耳邊少
時即愈喜食栝桐尤愛古墨鳳始悟道人竹筒中藥
蓋古墨屑也賈子說林
○同上
越王句踐慮伐吳欲人之輕死也出見怒蛙乃為之

式御者曰何為式王曰蛙有氣如此可無為式乎士
人聞之曰蛙有氣王猶為式況士人之有勇者乎是
歲人有自剄死以其頭獻者韓子
○同上

靜蛙池在饒州府樂平縣昔馬廷鸞讀書披雲閣上
苦蛙夜鬧戲以楮為三木曰再喧罪汝自後池無蛙
聲間產蛙皆白頸明陳仁錫潛
確居類書

宋蘇實治平間為繁令有异政嘗厭衛湖蛙鳴令人
取一大者以硃點之戒曰毋再喧噐已果不鳴及湖
中涸羣蛙結聚成團啟視之則硃點者居中羣蛙若

原物類集卷之六

擁翼馬蘇令悉放于江終其任湖蛙無一鳴者同上

禁蛙鳴用野菊花連梗葉研末順風撒去其聲即止

古今秘苑

